

黃氏逸書考

海東先生集

漢學堂經解

逸書考

薛虞易音注

甘泉黃奭學

上下經

賁

六五賁于丘園束帛戔戔

戔戔薛虞云禮之多也

釋文

剝

六二剝牀以辨

辨薛虞云膝下也

同上

頤

六二顛頤拂經于丘

拂違也薛同

同上

其欲逐逐

逐逐薛云速也

同上

象旨決錄逐逐薛綜云速也以此注作薛綜

疑誤

離

則大耋之嗟凶

古文及鄭薛无凶字

象旨決錄

咸

初六咸其拇

拇薛云足大指也

釋文

姤

薛云古文作遘

同上

九五以杞包瓜

杞薛云柳柔韌木也

同上

薛虞記云杞柳也

杞性柔韌宜屈撓似匏瓜

正義

何楷古

周易訂詁

困

困于葛藟于臲臲

臲說文作剝牛列反薛同臲薛作机字同

釋文

井

九三井渫不食

渫浚治也

同上

豐

六二豐其蔀

蔀薛作菩云小席

同上

九三豐其沛日中見沐

沫薛云輔星也

同上 周易窺餘云馬薛皆謂輔星 古周易訂

既濟

六四繻有衣袽

繻子夏作襦王虞同薛云古文作繻 釋文

七

漢學堂經解

逸書考

盧氏易注

甘泉黃奭學

坤

先迷後得主利

坤臣道也妻道也後而不先則迷失道
矣故曰先迷陰以陽爲主當後而順之則
利故曰後得主利

李鼎祚周易集解

象曰括囊无咎慎不害也

慎言則无咎也

集解

需

九五需于酒食貞吉象曰酒食貞吉以中正也

沈洊則凶中正則吉也

集解

訟

象曰訟上剛下險險而健訟

險而健者恆好爭訟也

集解

初六不永所事小有言終吉象曰不永所事訟不可長也雖小有言其辯明也

初欲應四而二據之，蹇爭事不至，永雖有
小訟訟必辯明，故終吉。集解

師

六三師或輿師凶。象曰：師或輿尸，大无功也。
失位乘剛，內外无應，以此帥師，必大敗，故
有輿師之凶，功業大喪也。集解

履

象曰：元吉在上，大有慶也。

王者履禮於上，則萬方有慶於下。集解

大有

九二大輦以載有攸往无咎象曰大輦以載積中不敗也

乾爲大車故曰大車以載體剛履中可以任重有應於五故所積皆中而不敗也

集解

噬嗑

剛柔分動而明雷電合而章

此本否卦乾之九五分降坤初坤之初六分升乾五是剛柔分也分則雷動於下電

照於上合成天威故曰雷電合而章也

集解

賁

九三賁如濡如永貞吉象曰永貞之吉終莫之陵也

有離之爻以自飾故曰賁如也有坎之水以自潤故曰濡如也體剛履正故永貞吉與二同德故終莫之陵也

集解

剝

象曰剝剝也

此本乾卦羣陰剝陽故曰爲剝也集解
上以厚下安宅

上君也宅居也山高絕於地今附地者明
被剝矣屬地時也君當厚錫於下賢當卑
降於愚然後得安其居集解

初六剝牀以足蔑貞凶象曰剝牀以足以滅
下也

蔑滅也坤所以載物牀所以安人在下故
稱足先從下剝漸及於上則君政崩滅故

曰以滅下也

集解

大畜

九二與說輶象曰與說輶中无尤也

乾爲輿案輶車之鉤心夾軸之物處失其
正上應於五五居畜盛止不我升故且說
輶停留待時而進退得正故无在也

集解

睽

睽之時用大矣哉

不言義而言用者明用睽之義至大矣

集解

渙

象曰渙亨剛來而不窮柔得位乎外而上同
此本否卦乾之九四來居坤中剛來成坎
水流而不窮也坤之六二上升乾四柔得
位乎外上承貴王與上同也

集解

六四渙其羣元吉渙有丘匪夷所思

自二居四離其羣侶渙其羣也得位承尊
故元吉也互體有艮艮爲山丘渙羣雖則
光大有丘則非平易故有匪夷之思也

解

漢學堂經解

逸書考

易雜家注

甘泉黃奭學

淮南九師道訓

遯

上九肥遯无不利

遯而能飛吉孰大焉

文選張平子思立賦注曹子建七啟注引

九師道訓又後漢書注引遯而能飛

案釋文需有孚光師讀光絕句蠱君子以

振民育德振師讀音真遯六二執之用黃